



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-7-421-8/24– ME/ES
Tuzla, 22.03.2024. godine

Na osnovu člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), člana 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16) i Preporuke Komisije za javne nabavke date u Zapisniku o pregledu i ocjeni ponuda broj: 03-11-7-421-5/24 – ME/ES od 20.03.2024. godine, donosi se

O D L U K A

o izboru najpovoljnijeg ponuđača u postupku javne nabavke usluga osiguranja za LOT 2 – osiguranje zaposlenih

Član 1.

Prihvata se preporuka Komisije za javne nabavke Zavoda zdravstvenog osiguranja Tuzlanskog kantona, te se kao najpovoljnija ponuda u postupku javne nabavke usluga osiguranja za LOT 2 – osiguranje zaposlenih, bira ponuda ponuđača TRIGLAV OSIGURANJE d.d. sa ukupnom cijenom u iznosu od 4.540,00 KM.

Član 2.

Ova Odluka dostavlja se svim ponuđačima koji su učestvovali u predmetnom postupku javne nabavke, a u skladu sa članom 70. stav (2) Zakona o javnim nabavkama.

Član 3.

U skladu sa članom 70. stav (6) Zakona o javnim nabavkama, ova Odluka objavit će se na internet stranici Ugovornog organa (www.zzotk.ba) istovremeno s upućivanjem ponuđačima koji su učestvovali u postupku javne nabavke.

Član 4.

Odluka stupa na snagu danom donošenja

OBRAZLOŽENJE

Postupak javne nabavke usluga osiguranja, pokrenut je Odlukom o pokretanju postupka javne nabavke, broj: 03-11-7-421-1/24– ME/ES od 27.02.2024. godine.

Postupak javne nabavke provodi se putem konkurentskog zahtjeva za dostavu ponuda, za koji je u informacionom sistemu "e-nabavke", dana 04.03.2024. godine, objavljeno obavještenje o nabavci, broj: 793-7-2-15-3-48/24.

Rok za dostavljanje ponuda isticao je 15.03.2024. godine, do 11 sati.

Javno otvaranje ponuda održano je dana 15.03.2024. godine, u 11 sati i 30 minuta, u prostorijama Zavoda (Franjevačka broj 36., 75 000 Tuzla).

U Zapisniku sa otvaranja ponuda broj: 03-11-7-421-3/24 – ME/ES, je utvrđeno da su u postupku javne nabavke usluga osiguranja za LOT 2 – osiguranje zaposlenih, ponude dostavili sljedeći ponuđači:

- ASA CENTRAL OSIGURANJE Sarajevo sa cijenom ponude u iznosu 7.307,52 KM;
- SARAJEVO OSIGURANJE d.d. Sarajevo sa cijenom ponude u iznosu 4.982,40 KM;
- TRIGLAV OSIGURANJE Sarajevo sa cijenom ponude u iznosu 4.982,40 KM;

Nakon pregleda i ocjene ponuda, Komisija je konstatovala da je ponuda ponuđača ASA CENTRAL OSIGURANJE Sarajevo sa cijenom u iznosu od 7.307,52 KM **NEPRIHVATLJIVA** iz razloga što je dostavljena ponuda čija cijena prelazi planirana novčana sredstva Ugovornog organa za predmetnu nabavku (LOT 2 – osiguranje zaposlenih). Također utvrđeni su i drugi nedostaci u ponudi i to:

- Ponuđač je u Aneksu 2 naveo da se isti odnosi na LOT 3 - osiguranje automobila (kasko, autoodgovornost, te u skladu s tim Komisija je stava da je Aneks 2 nepravilan.
- Potvrdu o urednom izvršenju koju je dostavio ponuđač se odnosi na osiguranje imovine, a ne na osiguranje zaposlenih kako je traženo Tenderskom dokumentacijom.

Ponude ponuđača SARAJEVO OSIGURANJE d.d. i TRIGLAV OSIGURANJE Sarajevo su ocjenjene kao prihvatljive.

Dana 20.03.2024. godine, zakazana je e-aukcija.

- Rangiranje prihvatljivih ponuda prema kriteriju za izbor ponude za LOT 2:

• **Prije održane e-aukcije:**

Rangiranje	Naziv ponuđača	Početna cijena u KM bez PDV-a
1.	SARAJEVO OSIGURANJE d.d.	4.982,40
2.	TRIGLAV OSIGURANJE d.d.	4.982,40

• **Poslije održane e-aukcije:**

Rangiranje	Naziv ponuđača	Konačna cijena u KM bez PDV-a	Umanjenje cijene
1.	TRIGLAV OSIGURANJE d.d.	4.540,00	8,88%
2.	SARAJEVO OSIGURANJE d.d.	4.570,00	8,28%



Nakon okončane e-aukcije, sačinjen je Zapisnik o pregledu i ocjeni ponuda broj: 03-11-7-421-5/24 – ME/ES od 20.03.2024. godine, koji sadrži sve elemente i obrazloženja u vezi pregleda i ocjene ponuda dostavljenih u postupku javne nabavke usluga osiguranja za LOT 2 – osiguranje zaposlenih, kao i Preporuku Komisije za javne nabavke ovom Ugovornom organu da u skladu sa odredbama Zakona o javnim nabavkama, podzakonskim aktima i općim aktima Zavoda, kriterijem za dodjelu ugovora “najniža cijena” i provedenom e-aukcijom, za nabavku usluga osiguranja za LOT 2 – osiguranje zaposlenih, izabere ponudu ponuđača TRIGLAV OSIGURANJE d.d. sa ukupnom cijenom u iznosu od 4.540,00 KM.

Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. U postupku je procijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir sve naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od pet (5) dana od dana prijema ove Odluke.

Dostavljeno:

1. Ponuđačima (s dostavnicom)
2. a/a



DIREKTOR

Doc.dr.sc. Denis Husić, dipl. pravnik